

古今聲律定宮

歷代聲律定宮卷六

東陽葛 銘警堂

革音之屬

鼓鼓制度

六鼓

鼓朔聲應聲 鼓

鼓制度

周禮考工記輯人為皋陶註皋陶長六尺有六寸左右端
廣六寸中尺厚三寸註板中濶頭狹為穹隆也謂鼓木一
也如此乃穹者三之一註謂鼓木腹穹隆者居鼓面三分
得有三腹
四尺三分寸之一也倍之為二尺六寸三分寸之二加鼓上
四尺穹之徑六尺六寸三
三正註正直也穹上一直兩端又直各居二尺二寸不弧
曲也此鼓兩面以六鼓差之者鼓大而短近晉鼓也

鼓長八尺鼓四尺中圍加參之一謂之鼗鼓註中圍加三之一者如于面之圍以三分之一也面四尺其圍十二尺加以三分之一也今亦合二十板則版寬六尺六寸三分寸為皋鼓長尋有四尺之二耳鼓四尺謂革所蒙者廣四尺為皋鼓長尋有四尺鼓四尺倨勾磬折註磬折中曲之不三正也中凡冒鼓必以啟蟄之日註蟄蟲聞雷聲而動鼓所取象也良鼓瑕如積環註瑕與環皆謂漆之理鼓大而短則其聲疾而短聞鼓小而長則其聲舒而遠聞

律呂正義考工記所謂皋鼓者鼓之木腔也長六尺有六寸者舉晉鼓之度以例其餘也左右端廣六寸者木版兩頭各廣六寸周二十版則圍丈有二尺而面徑四尺也中

尺厚三寸者。版之中幅廣一尺。合得鼓之腰圍二丈。而空徑六尺。有奇。版中幅厚三寸。漸殺。而兩端二寸。可知也。穹者。三之一者。申言鼓腰中徑之數。以鼓面徑四尺。而三分之。得一尺三寸三分零。各加於面徑之兩旁。為腰圍之徑六尺六寸。有奇也。上三正者。言兩端與中腰三處立尺度之正數。為諸鼓定式。晉鼓。鼗鼓。皋鼓。長短不同。而圍徑皆同也。以上晉鼓之制也。鼓長八尺者。版兩端相距也。鼓四尺者。即面徑也。中圍加三之一者。即腰穹之徑六尺六寸有奇也。謂之鼗鼓以上。鼗鼓之制也。為皋鼓以下。皋鼓之制也。皋即鼗長尋有四尺者。兩面相距丈二尺也。鼓四尺者。

面徑同前也。倨勾磬折者，倨勾漸殺如磬之折也。凡冒鼓必以啟蟄之日者，象雷發聲也。良鼓瑕如積環者，鼓之中腰廣而兩端狹，木腔衆幅輻湊，其縫如積環也。鼓大而短則其聲疾而短聞者，晉鼓之類是也。鼓小而長則其聲舒而遠聞者，朔鼙之類是也。此舉晉鼓鼗鼓皋鼓為例。大而雷鼓靈鼓小而鼙鼓鼗鼓可類推矣。

禮記明堂位夏后氏之鼓足

註足謂四足也

殷楹鼓

註楹為之柱貫中上出也

周縣鼓

註縣縣之其虞也

陳氏禮書明堂位曰夏后氏之鼓足春秋之時楚伯芘射王鼓跗然則兵車之鼓亦有足歟明堂位曰殷楹鼓蓋為

一楹而四稜焉。貫鼓於其端。周禮太僕。建路鼓於大寢之門外。儀禮大射。建鼓在阼階西。則其所建楹也。莊子曰。負建鼓以求亡子。建鼓可負。則以楹貫之可知。

陳氏樂書。鼓之制。始於伊耆氏。少昊氏。夏后氏。則足鼓。商人則楹鼓。周人則縣鼓。而周官鼓人。以晉鼓。鼓金。奏鐘師以鐘鼓。奏九夏。所謂縣鼓也。禮器曰。縣鼓在西。應鼓在東。詩曰。應田縣鼓。以應鼓為和。終之鼓。則縣鼓其倡。始之鼓歟。

周官義疏案。詩大雅商頌。虞業必合鼓言之。又明堂位言周縣鼓。則鼓有簨虞可知。但考工記梓人。簨虞。第言鐘磬。

而不及鼓惟明堂位言龍簋虞而不言所縣之器豈即鼓之簋虞歟然註固以鍾磬言也闕之

銘按革鼓之大要有三曰鼓曰鼙曰鼗鼓之別有六雷鼓靈鼓路鼓鼗鼓鼙鼓晉鼓是也鼙之別有二朔鼓號朔鼙應鼓號應鼙是也鼗之別有三雷鼗靈鼗路鼗是也他如為提為鼗為拊亦以類從焉

六鼓

周禮地官鼓人掌教六鼓四金之音聲以雷鼓鼓神祀註雷鼓也八面以靈鼓鼓社祭註靈鼓也六面以路鼓鼓鬼事註路鼓也四面

陳氏禮書雷天聲也雷鼓鼓神祀而救日月亦天事鼓人救日月則詔王鼓先儒以為鼓用雷鼓是也靈地德也靈鼓鼓社祭而攻猛獸亦地事冥氏攻猛獸以靈鼓毆之是也路人道也路鼓鼓鬼享而田獵達窮者與遽令亦人事司馬振旅王執路鼓大僕建路鼓於大寢之門外以待達窮者與遽令是也

周官義疏雷靈路三鼓鄭註有八面六面四面之說舊圖如其說皆一鼓而作多面其制不經且開元間用之不可考擊宋太常集四鼓於一樂雷鼓八面靈鼓六面亦如之則又成編鼓不可為訓也要之鄭說當自有本後失其傳

不應以臆為說

律呂正義周禮註雷鼓八面靈鼓六面路鼓四面若言一鼓而有八面六面四面之形舊圖從之然其所謂八面六面四面者蓋一制而數不同猶今儀仗花腔鼓二十四面杖鼓十二面之類也

五禮通考案周禮雷鼓先鄭以為六面康成以為八面靈鼓先鄭以為四面後鄭以為六面路鼓先鄭以為二面後鄭以為四面而皆無經據考周禮靈鼓六面而工十有二雷鼓八面而工十有六路鼓四面而工八每以二人各值一面則非合六面八面四面為一鼓甚明正義之說為不

易矣

周禮地官鼓人以鼗鼓鼓軍事

鼗同賁大也鼗鼓長八尺

以鼗鼓鼓役

事

鼗同舉緩也鼗鼓長丈二尺

以晉鼓鼓金奏

晉進也晉鼓長六尺六寸

陳氏樂書鼗鼓鼓軍事則畫以進兵之鼓非夜以警衆之

鼗也鄭氏以鼗為鼗誤矣鼗鼓以賁為義鼗鼓以舉為義

欲舞之緩謂之舉舞欲役之緩謂之舉鼓春秋傳曰魯人

之舉詩曰舉鼓弗勝又曰鼓鐘伐鼗蓋鼗鼓所以鼓役事

也文王說以使民雖鼗鼓有所弗勝幽王拂民而役之雖

伐鼗不足使勸此詩所以美文王於綿刺幽王於鼓鐘也

陳氏禮書鼓人以晉鼓鼓金奏而鑄師掌金奏之鼓所謂

縣鼓也。然司馬春振旅，軍將執晉鼓。吳與越戰，載常建鼓。韋昭曰：將軍執晉鼓，建謂楹而植之。蓋晉鼓建之於軍，猶路鼓建之於寢也。

律呂正義：鼓人鼗鼓，鼓軍事。鼗鼓，鼓役事。晉鼓，鼓金奏。然詩曰：鼗鼓維鏞，非止軍事也。又曰：鼓鍾伐鼗，非止役事也。夏官：軍將執晉鼓，亦非止金奏也。然則鼓人所職，特載其用之大者而已。

朔聲應聲

詩周頌有瞽：應田縣鼓。應，應聲也。田，讀為棟。朔聲也。禮記禮器：應鼓在東。小鼓謂之應，即應聲也。

儀禮大射儀建鼓在阼階西南鼓鼓伐也應鼙在其東南鼓西階之西一建鼓在其南東鼓朔鼙在其北註朔始也先擊朔鼙應鼙

周禮春官大師大祭祀下管播樂器令奏鼓註小鼓為

大鼓先引故曰應讀為導引之引

小師大祭祀下管擊應鼓小祭祀小樂事鼓應

爾雅釋名大鼓謂之鼗小鼓謂之應

陳氏禮書朔鼓號朔鼙應鼓號應鼙詩曰應田縣鼓先儒以詩之田為應應小鼓應應鼙也大射有朔鼙應鼙詩又以應配應則朔鼙乃應鼓也以其引鼓故曰應以其始鼓

故曰朔。是以儀禮有朔無朏。周禮有朏無朔。鄭氏以應與朏及朔為三鼓。恐不然也。大射建鼓南鼓。應鼙亦南鼓。而居其東。建鼓東鼓。朔鼙亦東鼓。而居其北。則鼙與鼓比建。而鼙常在其左矣。朔作而應應之。朔在西。應在東。則凡樂之奏常先西矣。

陳氏樂書。鼙。卑者所鼓也。故周人論司馬所執五鼓。推而上之。王執路鼓。鼓之尤大者也。推而下之。旅師執鼙。鼓之尤小者也。古之奏樂。先擊西朔。而東鼙應之。是朔鼙倡始者也。應鼙和終者也。

律呂正義。朔鼙長二尺。大面徑一尺。小徑七寸。一名朏鼓。

一名縣鼓一名相鼓縣於建鼓之西應鼙長尺四寸大面徑一尺小徑五寸一名應鼓亦曰鞀縣於建鼓之東鼙鼓大而鼙小擊之以相濟為高下抑揚之節今小戴禮投壺篇有魯鼓薛鼓之圖方者擊鼓圓者擊鼙即其制也

鼗

書益稷下管鼗鼓

傳堂下樂也

詩商頌那置我鼗鼓

箋置讀為植執雖不植貫而搖之亦植之類

周禮春官大司樂鼗鼓鼗鼓冬日至於地上之圓丘奏之

註鄭司農云雷鼓雷鼗皆謂六面有革可擊者也元謂八面

靈鼓靈鼗夏日至於澤中

之方丘奏之

註鄭司農云靈鼓靈鼗四面元謂六面

路鼓路鼗於宗廟之中

奏之

註鄭司農云路鼓路鼓兩面元謂四面

小師掌教鼓鼗

註鼗如鼓而小持其柄搖之旁耳還自擊

瞽矇掌播鼗

祇

瞭掌凡樂事播鼗

儀禮大射儀鼗倚於頌磬西紘

爾雅釋樂大鼗謂之麻小者謂之料

註麻者音梳而長料者聲清不亂

白虎通韜者震之氣也

韜即鼗

上應昴星以通王道

三禮圖鼗導也所以導鼓聲或節一唱之終也

陳氏禮書月令曰修韜鞀世紀曰帝嚳命倕作鞀先儒謂

小鼓有柄曰韜大韜謂鞀記曰賜諸侯樂以祝將之賜伯

子男樂以鼗將之蓋祝以合樂鼗則兆鼓而已此其賜所

以不同也

秦氏蕙田曰考之於經鼗鼓詩曰賁鼓鼗鼓考工記作皋鼓鼗月令作鞀鼗詩作鞀月令作鞀蓋鼗與賁皆大也皋與鼗皆聲也鼗之從鼓從革義一也鼗以其兆鼓則從鼗以其為革則從鞀以其召樂則從鞀先儒之說云然月令云修鞀鞀鼓禮書以大鞀為鞀非也

提

周禮夏官大司馬仲春教振旅師帥執提

註提謂馬上鼓有曲木

周官義疏陳氏祥道曰鄭康成云鼓柄曲木植立馬上賈公彥云鄭據當時有單騎以況周其實周時無騎法也然

公羊傳稱齊晉相遇以鞍為几禮記稱前有車騎蓋古者容或有騎其說辨矣然所引特或有之事若四時之田當以常法論則賈說是也况提為提持之義不必單騎也

鑿

周禮地官鼓人凡軍旅夜鼓鑿

註鑿戒守鼓也讀鑿為憂威之威

春官鐃師凡軍之夜三鑿皆鼓之守鑿亦如之

夏官掌固夜三鑿以號戒

陳氏樂書鐃師凡軍之夜三鑿皆鼓之掌固曰夜三鑿以號戒鄭氏皆謂鼓之以鼗鼓然鼗雖鼓人用之以鼓軍事諸侯執之以振旅要皆非警夜之鑿鼓也司馬法曰昏鼓

三通為大鑾夜半三通為晨戒平旦五通為發昃三鑾之制大致若此

拊

書益稷搏拊

搏拊以韋為之實之以糠粃搏拊形如鼓漢初相傳然也

禮記明堂位拊搏

註拊搏以韋為之

樂記會守拊鼓

言樂器雖多必會合相守待擊拊鼓然後作也

尚書大傳以韋為鼓謂之搏拊

周禮春官大師帥瞽登歌令奏擊拊

註拊形如鼓

小師登歌擊拊

陳氏禮書拊之為物以韋為之狀若鼓然書大傳所謂以

韋為鼓是也。實之以糠。白虎通所謂拊革著以糠是也。其鼓則堂上書所謂搏拊是也。其用則先歌。周禮所謂登歌令奏擊拊是也。荀卿曰。縣一鐘而尚拊。大載禮曰。縣一磬而尚拊。子貢曰。絃匏笙簧會守拊鼓。治亂以相。訖疾以雅。言尚拊則拊在一鐘一磬之東也。言會守拊鼓則衆樂待其動而後作也。既曰會守拊鼓。又曰治亂以相。則相非拊也。鄭氏以相為拊。誤矣。拊書謂之搏拊。明堂位謂之拊搏。蓋以其或搏或拊。莫適先後也。

律呂正義。周禮太師大祭祀率瞽登歌。令奏擊拊。下管播樂器。令奏鼓鼙。蓋古者登歌堂上拊以先之。管在堂下鼓

陳以引之拊與引堂上堂下相須為用以成歌奏之節後世陳雅春牘不存而拊僅存焉案拊之為字實擊拍拊循之意初無與器用之名虞書戛擊鳴球搏拊琴瑟孔傳竟以戛擊拊皆為樂器至宋儒始正之謂戛擊考擊也搏至也拊循也觀此則註周禮者或亦仍孔傳之解乎然其器猶有存於世者而形制可考既云如鼓或即陳與鼗鼗之類耶相傳用熟皮為之長一尺四寸而徑七尺實之以糠是亦革之音也觀此制與今定黃鐘之度為近今定制宜以黃鐘之長為徑倍之為長庶數有所依而法有由立矣

鼓音節

禮記學記鼓無當於五聲五聲弗得不和

禮記投壺魯鼓薛鼓圖鼓○□ 註圓者擊鼗方者擊鼓

音義鼗其聲下其音榻榻然鼓其聲高其音鏜鏜然

陳氏樂書宮縣設之四隅李照謂西北隅之鼓合應鐘黃鐘大呂之聲東北隅之鼓合太簇夾鐘姑洗之聲東南隅之鼓合仲呂蕤賓林鐘之聲西南隅之鼓合夷則南呂無射之聲依月均而考擊之於義或然

銘按禮記謂鼓無當於五聲則鼓於五聲且不備奚問十二律然春秋感精符云冬至日天子使八能之士撞黃鐘之鐘擊黃鐘之鼓則鼓似有協黃鐘之律者矣唐

書云元宗好羯鼓其音中太簇一均則鼓又有協太簇之律者矣究之未見經典不足以為據也

木音之屬

祝敵

相

拍板

書益稷合止祝敵

註祝狀如漆甯而有椎合之者投椎其中而撞之敵狀如伏虎背有刺鼓之以

樂止

詩周頌有瞽鼗磬祝圉

傳祝木控也圉揭也疏以樂記有控揭之文與此祝圉為一故辨之

禮記樂記聖人作為鼗鼓控揭

註控揭祝敵也

明堂位玉磬拊擊

先儒以拊擊為祝敵

周禮春官小師掌教祝敵

瞽矇掌播鼗祝敵

爾雅釋樂所以鼓祝謂之止所以鼓敵謂之鼗郭璞註祝

如漆桶方二尺四寸深一尺八寸中有椎柄連底桐之令

左右擊止者其椎名。敔如伏虎，背上有二十七鉏鋷，刻以木，長尺，櫟之，斲者其名。白虎通：祝，始也；敔，終也。

陳氏禮書書曰：祝，敔。樂記曰：柷，敔。明堂位曰：搯擊，蓋祝，敔以柷。柷為體，柷，搯以指擊為用。故柷，搯指擊，先儒皆謂之祝，敔也。爾雅：鼓，祝謂之止，欲戒止於其早也。鼓，敔謂之斲，欲修潔於其後也。祝，方二尺四寸，陰也。敔，二十七鉏鋷，陽也。樂作陽也，以陰數成之；樂止陰也，以陽數成之。

相

禮記樂記：治亂以相。秦氏蕙田曰：亂，樂之卒章，樂至此

則衆音繁會易於至亂故以相為節所以治之也相字從木恐為木器鄭氏以為即拊非也

拍板附

文獻通考拍板長大如手大者九板小者六板以韋編之以為樂節

銘按後世拍板亦祝敬之變體唐元宗嘗令黃幡綽撰譜幡綽乃畫兩耳進之元宗問其故對曰但能聰聽則無失節奏蓋謂拍板之無從撰譜也然例以魯鼓薛鼓之圖亦當有能撰譜者矣

聲律餘編

在治忽

書益稷予欲聞六律五聲八音在治忽

在察也

禮記樂記其哀聲感者其聲唯以殺其樂聲感者其聲嗶以緩其喜心感者其聲發以散其怒心感者其聲粗以厲其敬心感者其聲直以廉其哀心感者其聲和以柔 又治世之音安以樂其政和亂世之音怨以怒其政乖亡國之音哀以思其民困聲音之道與政通矣 又宮亂則荒其君驕商亂則陂其臣壞角亂則憂其民怨徵亂則哀其事勤羽亂則危其財匱 又志微噍殺之音作而民思憂

嘽諧慢易繁文簡節之音作而民康樂粗厲猛起奮末廣
賁之音作而民剛毅廉直勁正莊誠之音作而民肅敬寬
裕肉好順成和動之音作而民慈愛流辟邪散狄成滌滌
之音作而民淫亂又鄭音好濫淫志宋音燕女溺志衛
音趨數煩志齊音教辟驕志

聽軍聲

周禮春官太師執同律以聽軍聲

左傳襄十八晉人聞有楚師師曠曰不害吾驟歌北風又
歌南風南風不競楚必無功

史記律書六律為萬物根本故云望敵知吉凶聞聲効勝

負武王伐紂吹律聽聲推孟春以至季冬殺氣相并而音尚宮

兵書王者行師出軍之日授將弓矢士卒振旅持弓矢大呼太師吹律合音商則戰勝軍士強角則軍擾多變失士心宮則軍和士卒同心徵則將急數怒羽則兵弱少威明

候節氣

後漢書律歷志候氣之法為室三重戶閉塗墁必周密布緹綬室中以木為案每律各一內庫外高從其方位加律其上以葭莩灰抑其內端案律而候之氣至者灰去

夢溪筆談續漢書候氣之法氣至則一律飛灰或謂短長

之數冥符造化或謂干支方位自相感召皆非也蓋彪說得其畧耳惟隋書志論之甚詳其法先治一室令地極平乃埋律管皆使上齊入地則有淺深冬至陽氣距地面九寸而止惟黃鐘一管達之故黃鐘為之應正月陽氣距地面八寸而止自太簇以上皆達黃鐘大呂先已虛故惟太簇一律飛灰如人用鍼徹其經渠則氣隨鍼而出矣地有疎密則不能無差忒故先以木案隔之然後實土案上令堅密均一其上以水平其概然後埋律其下雖有疎密為木案所節其氣自平但在調其案上之土耳

隋書音樂志高祖候節氣依古於三重密屋之內以木為

案十有二具每取律呂之管隨十二辰位置於案上而以土埋之上平於地中實葭莩之灰以輕緹素覆律口每月氣至與律冥符則灰飛衝素散出於外而氣應有早晚灰飛有多少或初入月其氣即應或至中下旬間氣始應或灰飛出三五夜而盡或終一月纔飛少許高祖異之以問牛宏宏不能對

李氏光地曰京房候氣之法自蔡伯喈鄭康成皆此有說則恐古人誠有此法獨十二管未必即是十二律而於長短之間原無所取故禮記正義云十二律各當其辰斜埋地下入地處庫出地處高黃鍾之管埋於子位上頭向南

則是橫插以迎諸方之氣法在於方位不存乎長短也列管候之固有應有不應而又何可據是以得管乎

審度嘉量謹權度量權衡總

度

周禮春官典瑞璧羨以起度羨不圓也此璧長一尺廣八寸起度則八尺為尋倍尋為常

考工記玉人璧羨度尺好三寸以為度好璧也

陳氏禮書古之度在禮則起於璧羨在樂則起於黃鐘

通鑑外紀禹十尺為尺湯十二寸為尺周八寸為尺江氏

後世營造尺與商尺同

大戴禮孔子曰布指知寸布手知尺舒肘知尋說文云周制諸度皆以人之體為法春秋疏云手長八寸謂之咫周尺也

量

周禮考工記栗氏為量

栗同

深尺內方尺而圓其外其實

一鬴

鬴同釜四升曰豆四豆曰區四區曰鬴則鬴六斗四升也

其臀一寸其實一豆其

耳三寸其實一升重一鈞

三十斤為鈞

其聲中黃鐘之宮其銘

曰時文思索

是文德之君思索得之

允臻其極嘉量既成以觀四國

永啟厥後茲器惟則

銘按量所以知多寡也而臀實一豆耳實一升必統於

一鈞之重則即量可以起權權所以知輕重也而百黍

為銖十黍為綮必原於一龠之容則即權可以起量

考工記陶人為甗實二鬴盆實二鬴甗實二鬴七穿禹實

五鬴

鬴同

庾實二鬴

甗無底甗盆盛物器甗炊物器禹由脚鼎庾量粟器豆實三而成鬴則庾

受二斗四升

銘按古者范金以為釜合土以為甗故釜字從金甗字從瓦

考工記旋人為簋實一鬴豆實三而成鬴

陶旋皆搏埴之工鬴受斗二升

簋豆皆祭器

左傳昭三晏子曰齊舊四量豆區釜鍾四升為豆各自其

四以登於釜釜十則鍾

四升為豆四豆為區四區為釜則鍾六斛四斗

論語包註十六升曰庾 陶人疏庾本有二法聘禮記云
十斗曰斛十六斗曰數十數曰秉註云今文數為逾逾即
庾也案昭十六申豐云粟五千庾杜註云庾十六斗以此
知庾有二法也 姜氏上均曰逾非即庾庾為二斗四升
自後漢包氏註論語誤以庾為逾而為十六斗之說晉杜
氏註左傳唐賈氏疏聘禮記與考工皆因之而誤

權衡

夏書五子之歌關石和鈞王府則有關通和平也百二十斤為石三十斤為鈞
周禮考工記玉人駟琮五寸宗后以為權駟讀為組以組繫之鄭司農云
以為稱錘駟琮七寸鼻寸有半寸天子以為權璧圓象天以起量
璜方象地

漢志權與物均而生衡。衡運生規。規園生矩。矩方生繩。繩直生準。準正則平衡。而鈞權是謂五則。百工繇焉。冬權夏衡。秋矩春規。中央為繩。各順其方而應其行。

度量權衡總

書舜典同律度量衡。李氏光地曰。律者自然之聲。自然之氣。其高下清濁皆有天機。其長短大小皆有天則。故可以律萬事而為之本也。日月星辰皆紀於天。度量權衡皆紀於律。日有度之義。晷刻永短與時進退是也。律之外分屬陽。而度生焉。月有量之義。受日為光。有滿有虧是也。律之內積屬陰。而量生焉。其法一分之晷十三黍有奇。月每日退天之分也。斗柄有

權衡之義隨時低昂斟酌餘分是也律之長短多寡一以輕重為斷而權生焉故協時月正日與同律度量衡其道相為經緯也

書周官六年五服一朝又六年王乃時巡考制度於方岳禮記明堂位周公朝諸侯於明堂頒度量而天下大服

月令仲春日夜分則同度量鈞衡石角斗角正權概仲秋

日夜分則同度量平權衡正鈞石角斗角

角斛也概平斗斛者

周禮天官內宰佐后立市出其度量瀉制

瀉謂幅廣制謂匹長

地官角人掌徵齒角凡骨物於山澤之農以度量受之

掌葛掌徵絺綌之材於山農徵草木之材於澤農以權度

受之 掌染草掌以春秋歛染草之物以權量受之 掌
炭掌灰物炭物之徵令以權量受之

銘按度寓於璧羨量寓於簋豆權寓於駟琮此其通於
禮器者也度起於分寸量起於龠合權起於銖兩此其
通於樂器者也古聖人慮起天下後世之爭端故藏其
數於禮樂之器而又時時加謹於其間如度量頒自明
堂則謹之於朝覲之日制度考於方岳則謹之於巡狩
之年角斗甬正權概則謹之於每歲之春秋同度量壹
淳制則謹之於每日之市肆若夫角人掌及葛掌炭掌染
草其徵材或受以度量受以權衡度受以權量則更為

隨時隨事而無不致其謹者矣。

前漢志度者分寸尺丈引也。本起於黃鐘之長。以子谷秬

黍中者一黍之廣度之。九十分黃鐘之長一為一分。凡黍實子

管中則十三黍三分黍之一而滿一分積九十分則千有二百黍矣。十分為寸。十寸為尺。十

尺為丈。十丈為引。而五度審矣。始於分。付於寸。隻於尺。音隻

約張於丈。信於引。信讀伸。度長短者不失毫釐。量者龠合升

斗斛也。本起於黃鐘之龠。合龠為合。兩龠也。十合為升。十升

為斗。十斗為斛。而五量嘉矣。躍於龠。合於合。登於升。聚於

斗。角於斛。量多少者不失圭撮。六十四黍為圭。四圭為撮。權者銖兩斤

鈞石也。本起於黃鐘之重。一龠容千二百黍。重十二銖。百黍

鍾一兩之為兩。四銖十六兩為斤。三十斤為鈞。四鈞為石。而五權謹矣。始於銖。兩於兩。明於斤。均於鈞。終於石。權輕重者。不失黍稷。十黍為一銖。十黍為一兩。

唐書禮樂志。聲無形而樂有器。古之作樂者。惟器失而聲亡。多為之法。以著之。故始求聲者。以律。而造律者。以黍。自一黍之廣。積而為分寸。一黍之多。積而為龠合。一黍之重。積而為銖兩。此造律之本也。故為之長短之法。而著之於度。為之多少之法。而著之於量。為之輕重之法。而著之於權衡。又總其法。而著之於數。使其分寸龠合銖兩。皆起於黃鐘。故得律者。可以制度量衡。因度量衡。亦可以律。制不

幸皆亡則推其數法而制之用其長短多寡輕重以相參
考四者既同而聲必至聲至而後樂可作矣

歷代製律

文獻通考秦始皇平天下六代廟樂惟韶武存焉
漢興樂家但能紀其鏗鏘鼓舞而不能言其義

漢文帝令丞相北平侯張蒼始定律歷

武帝正樂以李延年为協律都尉武帝定郊祀之禮乃立
樂府采詩夜誦有趙代秦楚之謳

元帝時郎中京房知五音六十律之數房受學於故小黃
令焦延壽六十律相生之法以上生下皆三生二以下生
上皆三生四陽下生陰陰上生陽自黃鐘上下相生終於
仲呂而十二律異矣仲呂上生執始執始下生去滅上下

相生終於南事而六律畢矣

執始去減南事皆六十律之名

建日冬至之

聲以黃為宮太為商姑為角林為徵南為羽應為變宮蕤為變徵此聲氣之元五音之正也故各終一日其餘以次運行當日者各自為宮而商角以類從焉

五代會要漢元帝時京房以周官均法每月更用五音成

六十調又以日法析為三百六十傳於樂府

銘按此即淮南三百六十

音之說也玉海云錢樂空記其名沈重但條其說

通考京房曰竹聲不可以調度故作準以定數準之狀如

瑟長丈而十三絃隱間九尺以應黃鐘之律九寸中央一

絃下畫分寸以為六十律清濁之節其術施行於史官候

部用之

平帝時王莽秉政徵天下通知音律者使劉歆典領條奏
一曰備數二曰和聲三曰審度四曰嘉量五曰權衡數者
一十百千萬也本起於黃鐘之數始於一而三之三三積
之至十二辰之數十有七萬七千一百四十七而五數備
矣度長短者不失毫釐毫免毫也量多寡者不失圭撮十六
四黍為圭四圭曰撮三指撮之也權輕重者不失黍絊絊音累十黍為一絊紀
于一協于十長于百大于千衍于萬其法在算術

後漢肅宗時官無曉六十律以準調音者

唐楊收傳漢郊祀宗廟樂惟用黃鐘一均章帝時太常丞

鮑鄴始旋十二宮

晉荀勗云京房始創六十律至章帝時其法已絕

夫旋宮以七

聲為均均言韻也古無韻字猶言一韻聲也始以其律為宮次為商角祉羽少宮少祉亦曰變曰比一均成則五聲為之節族此旋宮也

杜佑通典旋宮之樂久失漢章帝時鮑鄴始請用之顯帝時復廢累代皆黃鐘一均變極七音

陳氏樂書漢蔡邕推五聲十二律還相為宮之法制十二律笛其法可謂詳矣

後漢書天效以景地效以響響即律也是故天子常以日冬夏至御前殿合八能之士陳八音聽樂均度晷景候鐘

律權土灰考陰陽冬至陽氣至則樂均清景長極黃鐘通
土灰輕而衡仰夏至陰氣至則樂均濁景短極蕤賓通土
灰重而衡低淮南子曰水勝故夏至濕火勝故冬至燥燥故土輕濕故土重進退於前後
五日之中八能各以候狀聞

通考魏武平荊州獲杜夔常為漢雅樂郎尤悉樂事于是
使創定雅樂始復先代古樂

魏武帝時杜夔精識音韻為雅樂郎中令鑄銅工柴玉有
巧思夔令玉鑄鐘其聲均清濁多不如法數毀改作玉甚
厭之謂夔清濁任意訴於魏武取所鑄鐘參雜更試然後
知夔為精妙而玉之謬也

陳氏樂書三代之樂既壞於秦漢漢至成帝尚未有金石之樂及晉武破符堅之後而四廟金石始備焉

通考晉武帝時荀勗典知樂事荀勗校魏杜夔所造鐘律其聲樂多不諧合乃出御府古今銅竹律二十五銅尺銅斛七具校檢新尺短夔四分因造十有二笛以應京房之術笛體之音皆用蕤賓林鐘之角

晉志荀勗作蕤賓伏孔笛

自黃鐘至應鐘凡十二

勗又云書曰予欲

聞六律五聲禮記五聲十二律還相為宮漢志亦紀十二律惟京房始創六十律至章帝時其法已絕謹依典記以五聲十二律旋相為宮之法作十二笛

隋志魏杜夔亦制律呂以之候氣灰悉不飛晉荀勗得古銅管較夔所制長古四分乃更造古尺聲韻始調

通考六朝宋元嘉中太史錢樂之以為京房六十律上下相生終於南事乃因京房南事之餘更生三百律至梁博士沈重鍾律議曰易以三百六十策當蓍之日此律歷之數也淮南子云一律而生五音十二律而為六十音因而六之故三百六十音以當一歲之日此則自古而然矣重乃依淮南之數用京房之術求之得三百六十律

梁武帝素善鍾律自立四器名之曰通通受聲廣九寸宣聲長九尺臨岳高一寸二分每通皆施三絃一曰元英通

施應黃大三絃二曰青陽通施太夾姑三絃三曰朱明通
施仲蕤林三絃四曰白藏通施夷南無三絃因以通聲轉
推月氣悉無差違又制十二笛以寫通聲飲古鐘玉律并
周代古鐘並皆不差莫不和韻

後魏陳仲孺云若爛準意則辨五聲清濁之韻若善琴術
則知五調五音之體參此二途以均樂器則自然和應

隋志晉及宋齊宮縣有四鐃鐘黃鐘太簇姑洗蕤賓梁武
帝以為六律不具設十二鐃鐘各依辰位而應其律

周文帝時有龜茲人曰蘇祇婆從罽廞皇后入國善胡琵琶
問之答云父在西域稱為知音代相傳習調有七種一

曰婆陀力華言平聲即宮聲也二曰雞識華言長聲即商聲也三曰沙識華言質直聲即角聲也四曰沙候加濫華言應聲即變徵聲也五曰沙臘華言應聲即徵聲也六曰般瞻華言五聲即羽聲也七曰侯利筴華言斛斗聲即變宮聲也就此七調又有五旦之名以華言譯之旦者則謂之均也其聲亦應黃鐘林鐘太簇南呂姑洗五均以外七律更無調聲

隋文帝時沛國公鄭譯因蘇祇婆善胡琵琶有七調五均遂推演其聲更立七均為八十四調又七聲之外更立一聲為之應聲有萬寶常者妙達鐘律徧解八音文帝後召

見問鄭譯音樂可否對曰樂聲哀怨非雅正之音請以水尺為律以調樂器上從之遂造諸樂器其聲率下於譯調二律並撰樂譜六十四卷論八音旋相為宮之法改絃移柱之變為八十四調一百四十四律十二律各變化終於一千八聲每律七聲時人以周禮有旋宮之義自漢魏以來知音者皆不能通寶常創立其事應手成曲無所凝滯見者莫不嗟異於是損益樂器不可勝紀其聲雅淡不為時好太常善聲者多排毀之時何妥典樂恥己宿儒不逮譯等欲沮壞其事遂謂帝曰黃鐘者象人君之德請專用黃鐘一宮帝大悅後寶常將死取其書焚之見者於火中探得

數卷行於世。

隋志端門外鐘案其銘題定皆夷則其西廂一鐘驗其鐫刻乃是太簇按西鐘銘則云清廟撞鐘秦無清廟此周制明矣又一銘曰太簇鐘徵則林鐘宮所旋也。

通鑑隋開皇十三年祖孝孫等定雅樂從陳山陽太守毛爽受京房律法布管飛灰順月皆應又每律生五音十二律為六十音因而六之為三百六十音分值一歲之日而旋相為宮之法明上不聽。

通典唐太宗留心雅樂考隋氏所傳南北之樂梁陳盡吳楚之聲周齊皆胡虜之音乃命太常卿祖孝孫正宮調起

居郎呂才習音韻張文收考律呂平其散濫為之折衷
唐高祖武德九年太常少卿祖孝孫作大唐雅樂十二月
各順其律旋相為宮合三十一曲八十四調燕享則隨月
用律為宮

唐志初隋用黃鐘一宮惟擊七鐘其五鐘設而不擊謂之
啞鐘唐張文收乃依古斷竹為十二律高祖令與祖孝孫
吹調五鐘叩之而應由是十二鐘皆用孝孫又為旋宮八
十四調凡十二宮調皆正宮也正宮之下無復濁聲十二
商調調有下聲一謂宮也十二角調調有濁聲二宮商也
十二徵調調有下聲三宮商角也十二羽調調有下聲四

宮商角徵也十二變徵調居角後徵前十二變宮調在羽後宮前雅聲成調無出七聲惟樂章則隨律定均

會要唐太宗用祖孝孫張文收而旋宮八十四調復見於時蓋周禮有旋宮之義亡失已久一朝復古自孝孫始也唐太宗貞觀初張文收善音律備盡旋宮之義太宗召文收與祖孝孫參定雅樂尋授協律郎及孝孫卒文收復采三禮更為釐革文收既定樂復鑄銅律三百六十藏於大樂署

通考唐元宗初分樂為二部堂下立奏謂之立部伎堂上坐奏謂之坐部伎太常閱坐部不可教者隸立部又不可

教者乃習雅樂其後楊敬忠獻霓裳羽衣曲十二遍曲將終引聲益緩

唐開元中宜春院伎女謂之內人雲韶院謂之宮人平人女選入者謂之楊彈家每勤政樓大會樓下出隊宜春人少則以雲韶足之帶初幕皆純色縵衣至第二疊悉萃場中即從領上褫籠衫懷之次第而出繞聚者數匝以容其更衣然後分隊觀者俄見藻繡爛然莫不驚異

五代後唐莊宗起於朔野所好不過胡部鄭聲先王雅樂殆將掃地

周世宗時樞密使王朴上疏曰自秦而下旋宮聲廢泊東

漢雖有太常丞鮑業興之亦人亡而音息無嗣續者漢至隋垂十代凡數百年所存者黃鐘之宮一調而已十二律中惟用七聲唐太宗有知人之明乃用祖孝孫張文收考正雅樂而旋宮八十四調復見於時安史之亂京都為墟器之與工十不存一逮乎黃巢之餘工器俱盡文記亦亡太常博士殷盈孫按周官考工記之文作鑄鐘十二編鐘二百四十今之在縣者是也雖有樂器之狀殊無相應之和梁唐晉漢享國未遠未暇及於禮樂十二鑄鐘不問聲律但循環而擊黃鐘之樂亦不和備其餘八十四調於是乎泯樂之缺壞無甚於今臣依周法補雅樂旋宮八十四

調并所定尺所作律準謹并上進詔從之

宋太祖以雅樂聲高詔加考正太常和峴上言西京銅望
臬可較古法即今司天臺影表銅臬下石尺是也及以王
朴所定尺比較短於石尺四分樂聲之高蓋由於此上乃
令依古法造新尺并黃鐘管命工人較其聲果下於朴所
定管一律又上出上黨羊頭山鉅黍累尺較律亦相符合
由是重作十二律管雅樂和暢

仁宗時丁度等上議晉泰始十年荀公曾等校定尺度以
調鐘律是謂晉之前尺公曾等以古物七品勘之一曰姑
洗玉律二曰小呂玉律三曰西京銅望臬四曰金錯望臬

五曰銅斛六曰古錢七曰建武銅尺當時以公曾尺揆較古器尺寸無差前史稱其用意精密

宋景祐中太常鐘磬每十六枚為一虞而四清聲相承不擊李照言四清乃鄭衛之樂請於編垂中去四清鐘馮元

等駁之

帝令權用十
二為一格

皇祐中王堯臣言律呂旋宮之法既定以管又制十二鐘準為十二正聲準正聲之半以為十二子聲故有正聲子聲各十二鐘子聲即清聲也今太常鐘縣十六者舊傳正聲之外有黃大太夾四清聲雖於圖曲未明所出然考之實有義趣蓋自夷南無應四律為均之時若盡用正聲則

宮輕而商重。是謂凌替。故須用子聲。乃得長短相序。此四清鐘可用之驗也。

元豐三年。劉幾言古編鐘磬數皆十六。十二律之外有四清聲也。李照議樂不復考擊。全失古法。乞依古法。具四清聲從之。

初李照斥王朴樂聲高。乃作新樂。下其聲。太常歌工病其太濁。歌不成聲。私賄鑄工。使減銅齊。而聲稍清。歌乃協。然照卒莫之辨。又朴所製編鐘皆側垂。李照胡瑗皆非之。瑗後改鑄。正其鈕。使下垂。叩之。弇鬱而不揚。

神宗時。楊傑欲消王朴舊鐘。意新樂成。雖不善。更無舊鐘。

可校乃詔許借朴鍾為清聲不得消毀後輔臣至太常按
試前一夕傑乃陳朴鍾已敝者一縣樂工不平夜易之而
傑不知明日輔臣至傑厲聲云朴鍾甚不諧美使樂工扣
之韻甚佳傑大沮

徽宗崇寧間蜀人魏漢津上言禹以聲為律以身為度用
左手中指謂之君指裁為宮聲之管四指謂之臣指裁為
商聲之管二指為民為角大指為事為徵小指為物為羽
則黃鐘之律定矣欲請帝中指四指五指各三節均絃裁
管為一代之樂詔可新樂成賜名曰大晟

其後樂工各隨
律調之有非漢

津之本說者
而漢津不知

政和末蔡京引沈宗堯為大晟府典樂宗堯復申漢津太
少之說時京子攸提舉大晟府又奏田為為曲樂宗堯不
平令樂工斷黃鐘管二一倍之一半之給為曰此太少律
也為信之以白攸攸因執以為是

朱子語類云蔡京用事其樂只是杜撰至今用之又云唐
太宗所定樂及本朝太祖樂皆平和所以世祚久長

歷代審音

史記律書六律為萬事根本故云望敵知吉凶聞聲効勝負

漢元帝多材藝善史書鼓琴瑟自度曲被歌聲分判節度窮極幼眇

後漢書吳人有燒桐以爨者蔡邕聞火烈之聲知其良材因請而裁為琴果有美音而其尾猶焦故時人名曰焦尾琴

別傳蔡文姬琰漢中郎將蔡邕之女聰慧秀異年六歲邕夜鼓琴絃絕琰曰第二絃邕故斷一絃問之琰曰第四絃

邕曰偶得之耳琰曰季札觀風知興亡之國師曠吹律識南風不競由是言之何云不知也

通考晉武帝時荀勗造十有二笛自謂宮商克諧然論者以為暗解時阮咸善達八音論者以為神解咸常心譏勗新律聲高高近哀思不合中和勗以為異已後有田夫耕于野得周玉尺勗以校己所理鐘磬絲竹皆短一米于此服阮咸之妙

初勗常於路聞趙賈人牛鐸識其音及掌樂事律呂未諧曰得趙人牛鐸則諧矣遂下郡國悉送牛鐸果得諧

樂纂昔晉人有銅藻盤無故自鳴問之於張茂先茂先扣

之曰此器與洛陽鐘聲相諧宮中撞鐘故鳴也若以鑪之音殊其鳴可止後果如其言

通考梁武帝素善音律自製四器名之曰通以定雅樂

北齊田曹參軍信都芳世號知音能以管候氣仰觀雲色嘗與人對語則指天曰孟春之氣至矣人往驗管而飛灰已應每月所候言皆無爽又為輪扇二十四埋地中以測二十四氣每一氣感則一扇自動他扇並住與管灰相應若合符契焉

後魏河間王琛有朝雲者善吹篪能為團扇歌隴上聲及琛為秦州刺史屢討叛羗不勝因令朝雲吹之羗人聞之

皆感泣而降。故秦語曰：快馬健兒，不如老嫗吹篳篥。

劉疇嘗避亂塢壁。賈胡欲害之者，百數疇援胡笳而吹之，為出塞之聲，動遊客之思。羣胡卒泣遁而去。劉越石為胡騎圍之者數重，越石終夜奏胡笳，羣胡卒棄圍而奔。笳聲之感人如此。

陳後主唯愛胡戎樂，於是繁習淫聲，伶人至有封王開府者。後主自能度曲，親執樂器，倚絃而歌，為無愁曲，極乎哀思。曲終莫不隕涕，竟以亡國。

隋文帝時有萬寶常者，妙達鐘律，常與人方食，論及聲調，時無樂器，因取食器及雜物，以箸扣之，品其高下，宮商畢。

備諧於絲竹文帝新樂既成萬寶常聽之泣然曰樂聲淫厲而哀天下不久將盡時四方全盛聞者不以為然至大業末乃驗

隋煬帝將幸江都有樂人王令言妙達音律其子嘗於戶內彈胡琵琶作翻安公子曲時令言臥室中聞之大驚蹶然變色呼其子曰此曲興自早晚對曰頃來有之令言欷歔流涕謂其子曰汝慎無從行帝必不返此曲宮聲往而不返宮者君也吾是以知之帝竟遇弒於江都

唐高宗時李嗣真為太常丞太常缺黃鐘不能成嗣真居崇業里道上逢一車有鐸聲甚厲嗣真曰宮聲也市以歸

振於空地。若有應者。掘之得鐘。衆樂遂和。

唐承周隋之後。樂縣久無徵音。李嗣真一旦聞砧聲。有應之者。後以車鐸振之於東南隅。果掘得一石。裁為四器。補樂縣之闕云。

唐宣宗時。潯陽耕者得古鐘。高尺餘。楊收扣之曰。比姑洗角也。既劇拭。有刻在兩樂果然。

總章中。潤州得玉磬以獻。張文收扣其一曰。是晉某歲閏月造者。得月數當十三。今闕其一。於黃鐘東九尺掘。必得焉。下州求之。如言而得。

唐武帝朝。朱崖李太尉有樂吏廉郊。嘗携琵琶於池上彈。

蕤賓調忽聞芰荷間有物躍出其岸視之乃方響蕤賓鐵也豈指撥精妙能令律呂相應而然耶和凝有響鐵之歌蓋本諸此

武太后朝裴知古以知音直太常路逢乘馬者聞其聲切云此人富墜馬好事者隨觀之行未半里馬驚墜地死常觀人迎婦聞婦珮玉聲曰此婦人不利姑是日姑有疾竟亡其知音皆此類也近代言樂衛道弼為最天下莫能以聲欺者曹紹夔次之夔弼皆為大樂令洛陽有僧房中磬無故自鳴僧以為怪懼而成疾求術士百方禁之終不能已紹夔素與僧善來問疾僧尋以告俄擊齋鐘磬復作聲

紹夔笑曰。明日可設盛饌。當與除之。僧雖不信。紹夔言。冀其或效。乃具饌以待。紹夔食訖。出懷中錯。鑢磬數處而去。聲遂絕。僧苦問其所以。紹夔云。此磬與鐘律合。故擊彼此應。僧大喜。疾亦愈。

唐元宗既知音律。又酷愛法曲。選坐部伎子弟三百。教於梨園。號皇帝梨園子弟。宮女數百。亦為梨園弟子。帝又好羯鼓。蓋本戎羯之樂。其音中太簇一均。

開元傳信記。唐明皇嘗坐朝。時以手指上下按其腹。高力士疑聖體不安。明皇曰。非也。吾昨夜夢遊月宮。諸仙娛余以上清之樂。流亮清越。殆非人間所聞也。酣醉久之。合奏。

諸樂以送吾歸其曲淒楚動人杳杳故耳吾以玉律尋之
盡得之矣坐朝之際慮物遺忘故懷玉笛時手指上下尋
之其曲名紫雲迴

通考唐貞元中長安大旱詔移兩市祈雨街東有康崑崙
琵琶號為第一手謂街西必無已敵也遂登樓彈一曲新
翻調綠腰街西亦建一樓東市大誚之及崑崙度曲西樓
出一女郎抱樂器亦彈此曲移在楓香調中妙絕入神崑
崙驚駭請以為師女郎遂更衣出乃莊嚴寺段師善本也
翼日德宗召令授崑崙段師奏曰且令崑崙不近樂器十
數年忘其本領然後可教詔許之後果窮段師之藝

國史補趙璧善彈五絃琵琶人問其術璧曰始則心驅之中則神遇之終則天隨之方吾浩々然眼如耳耳如鼻不知五絃之為璧璧之為五絃也白樂天云人情重今多賤古古瑟有絃人不撫更從趙璧藝成來二十五絃不如五亦謠諫之道也

通考唐宣宗天賦聰哲於音律特妙每將錫宴必裁新曲俾禁中女伶數十百輩連袂而歌其曲有曰播皇猷者率高冠方屨褒衣博帶趨步俯仰皆合規矩于于然有唐堯之風焉有曰惹西士女踏歌隊者其詞大率言惹嶺之士樂河湟故地歸國復為唐民也有曰霓裳曲者率皆執幡

節被羽服。態度凝淡。飄飄然疑有翔雲飛鶴。變見左右。如是者數十曲。皆絕世之音。

昔宋沈登光宅寺塔。見一鐸無風自搖。洋々有聞。摘而取之。果姑洗編鐘。又嘗道達度支運乘其間一鈴。亦編鐘也。及配元音。皆合其度。豈亦識微在金奏乎。

後周世宗時。長孫紹遠為太常造樂器。惟黃鐘不調。後聞浮屠三層上鳴鐸聲。雅合宮調。取以配律。果諧韻矣。

宋李照鑄鐘。長甬而震掉。著作郎劉義叟謂人曰。此與周景王無射鐘無異。上將有眩惑之疾。嘉祐元年正月。帝御大慶殿受朝。前一日。殿庭設仗衛。既具。而大雨雪至。壓

宮架折帝於宮中跣而告天遂暴感風眩人以義叟之言
為驗

宋元祐時楊徐議曰漢成帝時健為郡於水濱得古鐘十
六枚載於樂志秦未嘗制作禮樂其稱古鐘十六者乃二
帝三王之遺聲也